

浙江圖書館叢書 第一集

新刊國朝詩集卷之十

浙江圖書館叢書第一集

元史外夷傳地

理攷證

中華民國四年浙
江圖書館校刊

元史外夷傳地理攷證

仁和丁謙益甫氏學

高麗本箕子所封地。扶餘別種嘗居之。其地東至新羅。南至百濟。皆跨大海。西北渡遼水。接營州。而靺鞨在其北。其國曰平壤。卽漢樂浪郡。水有出靺鞨之白山者。號鴨渚江。而平壤在其東。南因恃以爲險。後闢地益廣。并古新羅。百濟。高句麗。三國而爲一。其王姓高氏。自初立國至唐乾封初而國亡。垂拱以來。子孫復封其地。後稍能自立。至五代時代。主其國。遷都松岳者。姓王氏。名建。自後傳二十七王。四百餘年。未始易姓。入元太祖十一年。契丹元帥六哥領眾竄入其國。十二年九月。拔江東城據之。十三年。帝遣哈只吉扎拉等征之。國王瞰親出迎師。其討滅六

哥後常入貢。十九年盜殺命使於遼，遂絕貢。太宗三年命薩里台征之。國人洪福源迎降，王請和許之。四年六月，王殺朝廷所置官七十二人。八月復遣薩里台討之，攻東南處仁城中矢卒。十月王遣使謝罪。七年命唐古等征之，拔龍岡、咸從等城。王遣人奉表入朝，徵其親朝，不至。十二年攻拔昌朔等州，乃以族子綽爲子入質。定宗憲宗時歲貢不入。凡四命將征之，拔城十有四。憲宗末遣世子俣入朝。世祖元年王瞰卒，命俣歸國爲王。更名禰。後親朝者二，仍歲入貢。至元三年立藩州，以處高麗降民。時帝欲通好日本，屬遣使諭旨。六年國人林衍作亂，據江華島。廢王禰命孟格圖率兵赴之，王得復位。七年詔西京內屬改東寧府。畫慈悲嶺爲界，及林衍死，其黨復集眾立禰庶族承化侯。

爲王竄入珍島大軍入王京八年敗珍島賊斬承化侯其黨走
耽羅十年入海攻拔耽羅城賊平十一年以皇女下嫁於世子
湛王薨湛嗣位更名瞻又更名暉大德九年薨立世子諱爲
王更名章亦尙公主仁宗皇慶二年章遜位於世子憲憲後傳
位於弟暉

按高麗與新羅百濟陸地相接此云皆跨大海誤且新羅在
其東南云京至新羅亦未確白山卽長白山鴨綠江源出其
南松岳山名王氏所都爲今京畿道北之開城府正在松岳
山下惟王建開國在後梁貞明三年下逮元初僅三百十餘
年云四百餘年亦誤江東城在平壤西南處仁城未詳龍岡
咸從均在平壤西大同江入海處之北昌州今昌城郡在鴨

淥江南朔州郡在昌城東南。瀋州今奉天府治。江華島在京畿道西北海中。西京卽平壤。慈悲嶺今稱巴嶺。在黃海道中。閑瑞興郡珍島在全羅道西南海中。耽羅見後。

耽羅高麗與國也。世祖旣臣服高麗。以耽羅爲日本南宋衝要。亦注意焉。至元六年。有高麗叛賊林衍餘黨遁入。逐其王據之。十年。命經略使實都等率兵船討平之。於其地立招討司。後改達魯花赤。又改安撫司。三十一年。以高麗王之請。使復隸高麗。耽羅在高麗全羅道南海中。今濟州島也。高麗附近諸島皆小。惟濟較大。約方四百餘里。

日本國在東海之東。古稱倭奴國。或云惡其舊名。故改日本。以國近日所出也。疆土世系風俗物產。見宋史本傳。國去中土殊

遠自後漢歷魏晉宋隋皆來貢唐時數遣使入朝宋雍熙元年使僧齋然浮海奉貢後連獻方物其來者皆僧也元世祖至元二年以高麗人言日本可通屢遣使往終不得其要領遂議進征十一年命鳳州經略使忽敦及洪茶邱等以舟九百載卒一萬五千征之冬十月入其國敗之因矢盡而歸十八年命右丞相阿剌罕及范文虎忻都洪茶邱等率大軍征之八月諸將不見敵喪師而還未幾有敗卒脫歸言官軍六月入海七月至平壺島移五龍山八月一日大風破舟諸將擇堅船遁還棄士卒十餘萬於山下或死或降得還者三人耳二十年命募兵造船欲復征日本會交趾事起遂置日本專事交趾

按元征日本前後兩役傳中所載皆甚簡略茲節錄日本人

大橋順所著元寇紀略以見戰事始末紀略云文永十一年

卽至元十一年

十月元將忽敦洪茶邱劉復亨與高麗將金方慶等

率蒙漢軍萬五千高麗軍八千戰船九百發合浦攻對馬壺

岐二島陷之尋寇肥前沿海郡邑十九日進博多二十日登

陸而戰時我軍至者十萬二千餘邀擊甚力賊將據高指揮

進退應鼓聲衝者皆死又以鐵礮連發我兵死傷多乃以奇

兵襲擊然賊勢益熾進至今津佐原百道原赤阪日人禦者

多死惟少貳覺惠子景資射賊將劉復亨中之賊又進陣松

林中破大友賴康軍我軍退保水城迨晚賊亦兵疲矢盡還

登舟是夜大風雨船觸崖多破乃全軍俱去弘安四年

卽至元十一年

八月五月忻都洪茶邱及金方慶等合軍四萬船九百發合浦

廿一日犯對馬壹岐少貳資時率兵數萬防壹岐戰敗死之
六月五日戰於筑前志賀島敗之次日復戰大敗之先是筑
前沿海築石爲壘高丈餘以便臨射賊船不敢近草野經長
夜襲燒賊船一然前後襲者皆敗初元兵之發約忻都等由
高麗至壹岐范文虎李庭等由慶元至平戶至是文虎以船
三千五百艘蠻軍十餘萬至次能古志賀二島與忻都等會
於是肥築海上舳艫相銜我軍防戰屢敗之賊乃移據肥前
鷹島閏七月朔按是年中國置閏於八月日本置閏於七月颶風大作賊船皆覆
沒破壞溺死無算海中積屍如島漂流而免者數千人至鷹
島修壞船七八艘將逃歸爲少貳景資所掩擊殺溺甚多降
千餘人悉斬之那珂川時范文虎李庭船亦壞漂至岸收餘

眾十之一二由高麗北還初元將張禧請從征與范文虎同
至肥前禧卽舍舟築壘平戶島約束戰艦各相去五十步止
泊以避風濤觸擊及是禧所部獨完乃分船與文虎等始得
還餘軍在島尙有四千人乏舟禧因棄舟中馬七十匹以濟
還軍是役元軍不返者凡十餘萬高軍亦七千餘鳳州在高
麗黃海道北今鳳山郡平壺島一作平戶在薩摩洲肥前國
西海中五龍山卽鷹島他書又作竹島在肥前松浦郡御廚
村北三里合浦朝鮮西南海口在慶尙道昌原郡對馬島在
合浦南壹岐島在對馬南筑前西北博多川名在筑前那珂
郡西今津在肥前松浦郡佐原或作楚原百道原或作紅葉
原均在筑前早良郡赤阪在那珂郡大鋸谷北水城在筑前

太宰府西石壁高丈餘。亘數十里。志賀島一作鹿島。在筑前福岡縣三里。能古或作殘島。在福岡西北二里。按癸辛襍志。是役全軍十五萬。歸者不能五之一。此令史李順目擊之言。可以爲據。若傳云未見敵。及棄士卒十餘萬於山下。得還者三人。均爲失實。

安南古交趾國也。秦置桂林南海象郡。秦亡。南海尉趙佗擊併之。漢置九郡。交趾居其一。唐分嶺南爲東西道。立五管。安南隸焉。宋封丁部領爲交趾王。傳三世。爲李公蘊所奪。李氏傳八世。至吳昌。國爲其壻陳日煚所有。元憲宗七年。烏蘭哈達遣使諭之。不返。遂分道進兵。抵安南。京北洮江上。交人亦盛陳兵衛。十二月。敗其水軍。又破陸路兵。又合擊大敗之。遂入其國。日煚竄

海島以天熱還師。八年日昃傳國於長子光晃。遂納款。世祖中統二年封光晃爲安南王。至元二十二年鎮南王託歡征占城。令安南運糧助軍。不應。遣其興道王陳峻提兵界上。前軍入境。遇其兵敗之。遂分六道進。至萬劫。攻諸隘皆破之。遂造船選水軍。令烏馬兒部領數與戰。皆敗之。官軍縛筏爲橋。渡至富良江北岸。其王日烜布船立柵以拒。復進兵。日烜乃棄城遁。遂渡江。壁安南城下。日烜退屯天長。長安興道王復聚萬劫江口。時唐古特唆都兵至。自占城與大軍合。烏馬兒水軍敗其兵船。追至膠海口。日烜至安邦海口。棄舟楫甲仗。走匿山林。官軍獲船萬艘。興道王走清化府。時軍已困乏。諸將議退屯思明州。安南王集兵追擊。戰於如月江及冊江。林內伏發。軍多溺死。力戰始得。

出次年又大舉南伐兵入其境日烜復棄城遁時湖南宣慰司
上言百姓罷於轉輸請緩進征從之遂下詔止軍二十四年正
月發各路軍七萬又以船五百艘由海運糧水陸並進西道由
永平入東道由女兒關入凡十七戰皆捷乃以兵二萬守萬劫
且修普賴山及至靈山木柵水陸徑趨交趾城渡富良江次城
下敗其守兵日烜復走入海時海道運船被阻不至軍乏食議
班師諜知安南兵三十萬遏歸路乃由單已縣趨盩州閒道還
思明州日烜尋遣使謝罪二十七年日烜卒子日燾遣使來貢
仍議興師至成宗卽位命罷征後常朝貢

安南前事已詳宋史宋封丁部領爲王傳三世爲大校黎桓
所奪黎氏傳三世乃爲李公蘊所奪此傳脫黎桓事按元師

四征安南頗多失利傳中不免諱飾茲節錄安南史以相印證史云蒙古主使假道伐占城既而皇子託歡及其將烏馬兒李恆等統軍五十萬南伐以大將唆都爲總指揮安人懼禍及己謀遮擊使陳峻統軍禦之迨託歡等軍至峻退守萬劫河隄時安南軍亦二十萬元軍進不止唆不能守乘小舟逃免居數日烏馬兒亦至遂取萬劫河好賴山之地安南軍大奔王遣人乞和不聽會元將唆都別率兵入占城薄安南南鄙因遣太師光啟率兵出又妄拒唆都敵軍猶進不止王北幸繼而入清華州時安南兵敗地失王父子僅保清華然元軍久屯異域氣候不宜土有去志安人乘勢驟襲之戰於秀記翁康大勝光啟又破託歡於東京旁遂退去唆都烏馬

兒時均屯海濱不知託歡之敗欲合兵入東京進至好米夜
奴縣爲安人伏兵擊退再戰安人又勝唆都烏馬兒猶戰不
止卒同敗於苦秀他夜開夜之地唆都被創不能走遂被殺
烏馬兒以小舟遁陳峻亦大破託歡李恆於萬劫河恆中毒
矢死託歡僅以身免兵士多溺死繼而元託歡兵由陸路進
張文虎以水軍運糧至東京海合薄都城王及陳峻均不能
支由海路南走有陳慶裕者以孤軍抗元師大勝之又破走
其海軍陳峻乃歸率軍赴敵布鐵鎖於萬劫河元師退舟渡
河爲鐵鎖所格王父子及陳峻等三面合攻虜烏馬兒樊楫
諸將託歡遁走觀此知元人此役折損大將以下甚多而傳
皆不及僅唆都本傳載其死事而已洮江出臨洮府西北此